



SUDSKA PRAKSA I NOVOUSVOJENI ZAKONI



Najnovije izdanje Newsletter-a između ostalog sadrži:

- Novosti iz domaće i međunarodne sudske prakse
- Aktuelnosti iz pravosuđa
- Najnovije zakone u BiH

VAŽNO

Web stranica Odjela za sudsku dokumentaciju i edukaciju Sekretarijata VSTV-a BiH, koji za vas priprema i uređuje newsletter predstavlja centralno mjesto za pristup izabranim sudskim odlukama i zakonima sa izmjenama i dopunama, što značajno olakšava i ubrzava rad učesnicima u sudskom postupku.

Nosioi pravosudnih funkcija u BiH korisničke podatke za pristup zakonima i edukativnim materijalima mogu tražiti putem e-maila: osde@pravosudje.ba.

Napomena:

Link određenog zakona iz newslettera vodi do ekrana u koji trebate unijeti korisničke podatke i nakon prijave potrebno je ponovo kliknuti na link tog zakona iz newslettera kako bi se isti otvorio.



POSEBNO IZDVAJAMO

Sastanak Radne grupe za analizu i objavljivanje sudskih i tužilačkih odluka

Sažetak predmeta Gerovska-Popchevska protiv Sjeverne Makedonije

Stavovi sudske prakse BiH april-juni 2026.

Baza sudskih odluka

Novosti iz Evropskog suda za ljudska prava



EUROPEAN COURT OF HUMAN RIGHTS

COUR EUROPÉENNE DES DROITS DE L'HOMME

Sažetak predmeta Gerovska-Popchevska protiv Sjeverne Makedonije

Povreda člana 6. Ek (sud osnovan zakonom)
Povreda člana 6. Ek (pristup sudu)

Podnositeljica predstavke je Snežana Gerovska-Popčevska, državljanka Republike Sjeverne Makedonije. Državni sudski savjet (DSS) je 2007. godine razriješio podnositeljicu predstavke dužnosti sudije prvog stepena.

Podnositeljica predstavke je uložila predstavku Evropskom sudu za ljudska prava, koji je 2016. godine utvrdio povredu člana 6. stav 1 Konvencije (pravo na pravično suđenje). Sadašnji postupak odnosi se na ponovljene postupke, pokrenute nakon presude Suda iz 2016. godine, vođene protiv podnositeljice zbog navodne povrede profesionalne dužnosti. Podnositeljica predstavke je u međuvremenu otišla u penziju. U 2020. godini DSS je ponovo zaključio da je podnositeljica postupala neprofesionalno prilikom odlučivanja u jednom parničnom predmetu. Njena žalba protiv navedene odluke DSS-a konačno je odbačena kao nedopuštena.

[Pročitaj više](#)

Razvoj sudske prakse Evropskog suda za ljudska prava

Donosimo izvještaj ESLJP za period januar-juni 2025. godine.


Klikom na link ispod možete posjetiti stranicu Odjela za sudsku dokumentaciju i edukaciju i preuzeti periodične izvještaje razvoja Sudske prakse Evropskog suda za ljudska prava.

Radi se o izvještajima ESLJP-a koji su putem Mreže viših sudova dostupni pravosudnoj zajednici i profesionalnoj pravnoj javnosti.

[Pročitaj više](#)

Aktuelnosti

Održan sastanak Radne grupe za analizu i unapređenje objavljivanja sudskih i tužilačkih odluka



Dana 25. maja 2026. godine u prostorijama Visokog sudskog i tužilačkog vijeća Bosne i Hercegovine (VSTV BiH) održan je redovni godišnji sastanak Radne grupe za analizu i unapređenje objavljivanja sudskih i tužilačkih odluka.

Tom prilikom analizirane su prakse pravosudnih institucija u Bosni i Hercegovini u objavljivanju odluka i saopštenja za javnost na web stranicama, a razgovarano je i o trendovima i izazovima sa kojima se prilikom objave susreću uređivačka tijela sudova i tužilaštava.

Radna grupa će nastaviti sa radom u drugoj polovini 2026. godine, s ciljem definisanja preporuka i eventualnih korektivnih mjera koje će se predložiti VSTV-u BiH na usvajanje.

[Prikaži više](#)

Sastanak Panela za ujednačavanje sudske prakse iz građanske oblasti



Dana 11. i 12. juna 2026. godine u Vrhovnom sudu Federacije Bosne i Hercegovine održan je Panel za ujednačavanje sudske prakse iz građanske oblasti.

Na sastanku su učestvovalе sudije sudova najviše instance u Bosni i Hercegovini, te predstavnik Visokog sudskog i tužilačkog vijeća Bosne i Hercegovine koje koordinira radom Panela.

Panel djeluje sa ciljem održavanja kontinuiranog dijaloga između sudova najviše instance u Bosni i Hercegovini i predstavlja platformu za ujednačavanje sudske prakse, kao i za diskusiju o drugim zajedničkim pitanjima sa kojima se susreću u radu.

[Prikaži više](#)

Sastanak Panela za ujednačavanje sudske prakse iz upravne oblasti



Dana 14. maja 2026. godine u organizaciji Apelacionog suda Brčko distrikta Bosne i Hercegovine održan je Panel za ujednačavanje sudske prakse iz upravne oblasti.

Na sastanku su učestvovalе sudije sudova najviše instance u Bosni i Hercegovini, te predstavnici Visokog sudskog i tužilačkog vijeća Bosne i Hercegovine koje koordinira radom Panela.

[Prikaži više](#)

Stavovi sudske prakse sudova u Bosni i Hercegovini



Visoko sudsko i tužilačko vijeće Bosne i Hercegovine je u saradnji sa Sudom Bosne i Hercegovine, Vrhovnim sudom Republike Srpske, Vrhovnim sudom Federacije Bosne i Hercegovine, te Apelacionim sudom Brčko distrikta Bosne i Hercegovine pokrenulo sistemsko obavješćavanje pravosudne zajednice o stavovima sudske prakse koje definiraju i objavljuju navedeni sudovi na [Portalu sudske prakse](#) („E-sentence“).

Aktivnosti ovog tipa dio su strateškog opredjeljenja Vijeća, da u saradnji sa sudovima najviše instance u Bosni i Hercegovini poveća dostupnost sudskih odluka i stavova sudske prakse za pravosudnu zajednicu i javnost.

Klikom na link ispod možete dobiti uvid u pregled stavova, kao i pogledati najnovije stavove sudske prakse BiH za period april-juni 2026. godine.

[Pročitaj više](#)

Zakoni



Republika Srpska

Zakon o policiji i unutrašnjim poslovima

U „Službenom glasniku Republike Srpske“, broj 49/2026 od 2.6.2026. godine, objavljen je Zakon o izmjenama i dopunama Zakona o policiji i unutrašnjim poslovima, koji je Narodna skupština Republike Srpske usvojila na sjednici, održanoj 20.5.2026. godine, a Vijeće naroda 29.5.2026. godine.

Zakon o policiji i unutrašnjim poslovima objavljen je u “Službenom glasniku Republike Srpske”, br. 57/16, 110/16, 58/19, 82/19, 18/22- Odluka Ustavnog suda RS, 55/23, 48/24 i 81/25.

Ovaj zakon stupa na snagu osmog dana od dana objavljivanja u “Službenom glasniku Republike Srpske“.

[Preuzmi zakon](#)

Zakon o Gradu Foča

U „Službenom glasniku Republike Srpske“, broj 49/2026 od 2.6.2026. godine, objavljen je Zakon o Gradu Foča, koji je Narodna skupština Republike Srpske usvojila na sjednici, održanoj 20.5.2026. godine, a Vijeće naroda 29.5.2026. godine.

Ovaj zakon stupa na snagu osmog dana od dana objavljivanja u “Službenom glasniku Republike Srpske“.

[Preuzmi zakon](#)

Zakon o turizmu

U „Službenom glasniku Republike Srpske“, broj 49/2026 od 2.6.2026. godine, objavljen je Zakon o turizmu, koji je Narodna skupština Republike Srpske usvojila na sjednici, održanoj 20.5.2026. godine, a Vijeće naroda 29.5.2026. godine.

Stupanjem na snagu ovog zakona prestaje da važi Zakon o turizmu („Službeni glasnik Republike Srpske“, br. 45/17 i 16/23).

Ovaj zakon stupa na snagu osmog dana od dana objavljivanja u “Službenom glasniku Republike Srpske“.

[Preuzmi zakon](#)

Zakoni



Federacija Bosne i Hercegovine

Zakon o zapošljavanju stranaca

U „Službenim novinama Federacije Bosne i Hercegovine“, broj 36/26 od 15.5.2026. godine, objavljen je Zakon o izmjenama i dopunama Zakona o zapošljavanju stranaca, koji je usvojio Parlament Federacije BiH na sjednici Predstavničkog doma održanoj 11. i 12.3.2026. godine i na sjednici Doma naroda, održanoj 21.4.2026. godine.

Zakon o zapošljavanju stranaca objavljen je u „Službenim novinama Federacije BiH“, broj 111/12).

Ovaj zakon stupa na snagu osmog dana od dana objavljivanja u "Službenim novinama Federacije BiH".

[Preuzmi zakon](#)

Zakon o obaveznim osiguranjima u saobraćaju

U „Službenim novinama Federacije Bosne i Hercegovine“, broj 35/26 od 13.5.2026. godine, objavljen je Zakon o obaveznim osiguranjima u saobraćaju, koji je usvojio Parlament Federacije BiH na sjednici Predstavničkog doma održanoj 11. i 12.3.2026. godine i na sjednici Doma naroda, održanoj 21.4.2026. godine.

Zakon o obaveznim osiguranjima u saobraćaju objavljen je u „Službenim novinama Federacije BiH“, br. 57/20 i 103/21).

Ovaj zakon stupa na snagu narednog dana od dana objavljivanja u "Službenim novinama Federacije BiH".

[Preuzmi zakon](#)

Zakon o lizingu

U „Službenim novinama Federacije Bosne i Hercegovine“, broj 36/26 od 15.5.2026. godine, objavljen je Zakon o izmjenama i dopunama Zakona o lizingu, koji je usvojio Parlament Federacije Bosne i Hercegovine na sjednici Predstavničkog doma održanoj 11. i 12.3.2026. godine i na sjednici Doma naroda, održanoj 21.4.2026. godine.

Zakon o lizingu objavljen je u „Službenim novinama Federacije BiH“, br. 85/08, 39/09, 65/13 i 104/16).

Ovaj zakon stupa na snagu osmog dana od dana objave u "Službenim novinama Federacije BiH".

[Preuzmi zakon](#)

Zakoni



Zakon o plaćama i naknadama u institucijama Bosne i Hercegovine

U „Službenom glasniku Bosne i Hercegovine“, broj 41/26 od 16.6.2026. godine, objavljen je Zakon o izmjeni i dopuni Zakona o plaćama i naknadama u institucijama Bosne i Hercegovine, koji je usvojila Parlamentarna skupština Bosne i Hercegovine na sjednici Predstavničkog doma održanoj 19.5.2026. godine i na hitnoj sjednici Doma naroda, održanoj 11.6.2026. godine.

Osnovica za obračun plaće primjenjuje se od 1. januara tekuće godine za tu godinu te će nadležne institucije osigurati retroaktivnu isplatu razlike u plaći, u roku koji ne može biti duži od 30 dana od dana usvajanja budžeta, ako budžet za sljedeću fiskalnu godinu ne bude usvojen do 31. decembra tekuće godine.

Ovaj zakon stupa na snagu osmog dana od dana objave u "Službenom glasniku BiH", a primjenjivat će se od 1.1.2026. godine.

[Preuzmi zakon](#)

Zakon o osnovama sigurnosti na putevima u Bosni i Hercegovini

U „Službenom glasniku Bosne i Hercegovine“, broj 35/26 od 19.5.2026. godine, objavljen je Zakon o izmjenama i dopunama Zakona o osnovama sigurnosti saobraćaja na putevima u Bosni i Hercegovini, koji je usvojila Parlamentarna skupština Bosne i Hercegovine na sjednici Predstavničkog doma održanoj 15.10.2025. godine i na sjednici Doma naroda, održanoj 14.5.2026. godine.

Zakon o osnovama sigurnosti saobraćaja na putevima u Bosni i Hercegovini objavljen je u „Službenom glasniku BiH“, br. 6/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/23).

Ovaj zakon stupa na snagu osmog dana od dana objavljivanja u "Službenom glasniku BiH".

[Preuzmi zakon](#)

Zakon o ograničavanju raspolaganja imovinom s ciljem sprečavanja terorizma, finansiranja terorizma i finansiranja širenja oružja za masovno uništenje

[Preuzmi zakon](#)

Baza sudskih odluka

O izabranim odlukama sudova u Bosni i Hercegovini možete se informisati kroz Bazu sudskih odluka Bosne i Hercegovine. U bazi su vam dostupne meritorne odluke donesene u izabranom predmetu, kao i odluke Ustavnog suda Bosne i Hercegovine ukoliko je u konkretnom predmetu uložena apelacija ovom sudu.

U bazi se trenutno nalazi 16 838 odluka iz građanske i privredne oblasti, 11 620 odluka iz krivično-pravne oblasti, 3 166 iz upravne oblasti, te 4 odluke Evropskog suda za ljudska prava sa vezanim odlukama sudova u Bosni i Hercegovini.

Odluke možete pretraživati po različitim parametrima npr. broj odluke, datum donošenja odluke, naziv suda koji je donio odluku i slično. Pretragu možete vršiti i po pravnim terminima i slobodnom tekstu npr. djela protiv sigurnosti javnog prometa, priznanje strane sudske odluke, otkaz ugovora o radu i slično.

Besplatan pristup navedenoj bazi omogućen je svim zainteresovanim licima od marta 2021. godine, a mobilnu aplikaciju za korištenje Baze možete besplatno preuzeti na App Store ili Google Play trgovini.



[Pristup Bazi sudskih odluka](#)